

92100



湘陰縣志

道光三年

湘陰縣志

書院藏板

序

邑之有志猶國之有史志與
史指歸名異而分類紀事授
事直書將毋同羅湘自屈宋後
代生賢喆崛起騷壇宋元以前
無論已前如夏忠靖彭襄毅

序

婁太僕諸公煇煌邑乘炳煥
史冊官所土者披覽舊志未嘗
不低回往復想見其為人余備
負南楚之夏蒙大吏題補
割邑乃由會同承之於亦適
志書纂修將竣邑紳等屬

序於予予惟志也者所以記一
邑之事蹟備觀省而取徵信
也自丙子歲

天子

詔修直省通志郡志於是湘

邑奉上憲檄已三年矣謀生如

者山左閭公繁娘閱數月魯

序

公起元繼之衡別駕孫公毅

繼之總憲成者則常寧令甘

公慶垣也在昔乾隆丙子桂

林陳執齋先達與邑紳輩協

力纂續茲復重加編輯踵生

類而拓之戶口之殷籛田賦之

損益建置之崇闕典禮之陳設
與夫學校選舉之隆政績人
物之盛藝文著述之多典要
喬皇祭牲大備之夫修志何
難六難於採訪耳山谷亭多
潛德採之不周則漏安士或盜

序


處者訪之不實則浮不得其人
則糴於偽不歷乎地則失之誣
且僅訂謬補闕刪繁就簡約旨
求精猶屬易事是役也諸君
予新纂山十年以來事擇
人履其地採訪務實俾左周旋

諒無有漏而浮偽而誣者矣然則邑乘之脩不幾與國史相輝映乎余樂星將觀厥成也乃援筆而序之

省

嘉慶二十三年歲在戊寅知湘序

陰縣事蔚常春謹撰



序

羅州襟湘帶湖為山水名
勝民物之殷人文之盛楚南
稱首治為惟地處孔道撫斯
土者任煩事劇期會維艱求
其采風問俗諮文攷獻以成

湘陰縣志

卷之二

一代之藝林者率多不恆余
於丁丑春季承乏茲邑甫下
車即博稽輿論蒐羅載籍
參今昔之變通察風土之厚
薄適都人士以志典久缺公
議重修於是上考分野下圖

疆域山川之雄秀形勢之夷
險物利之所宜租庸之所入列
學校者必書載祀典者必錄
以及褒忠崇節紀異徵祥罔
不縉舉目張絜乎大備蓋

國家承平有年矣化澆者而使

之淳培瘠者而使之富戶版
式增民心益樸生養休息俾
斯人得安居樂業於涵仁詠
德之中將見里登孝友之書
鄉舉賢能之籍風俗蒸蒸日上
實有軼前志所未備者則是

書之成雖一邑之志乘六五規薄
海同風之治也是為序

嘉慶戊寅清和上浣攝湘陰知

縣事錫山孫齡謹



序

湘志創於前明由來舊矣

國朝稽古右文一修於唐公懋溥再脩於陳公鍾理越今數十年復加編輯閱三載而書成首天文終雜紀分門別類井井有條其間無幽不闡有善必錄炳炳麟麟燦然大備諸名公叙

其事而繫以辭類皆珠玉琳琅於志之所宜修與脩志之不容或苟言之詳矣余復何煩辭費惟是司鐸於茲責任叅校因思入志之難莫如人物載筆之實亦惟人物通都大邑其可傳者不數數觀鍾靈毓秀詎偶然耶於是畧抒管見為語學中人曰士之

為士匪徒事佔畢弋科名已也必日
進於高明以斬勝於古則出可應君
相之求處亦無負鄉曲之譽一代人
物一代之事業歸之其所以焜耀史
乘者非苟然也羅州人物前代如夏
忠靖以相業顯彭襄毅以理學著易
忠節不愧為臣邨大叅全乎為子學

問勲名卓卓寰區洵儒林中之傑出
者至今猶想慕其人我

朝



自王侍御以下掇巍科者不乏偉人
繼起應未有艾也余自甲戌冷居數
年時與兩庠士相接見其能文章負
雋才者莫不循循然矩矱先民幸際
之代涵濡雅化果能爭自濯磨礪庶

作人

隅敦實學將簪毫玉笋之班
廟躬鷓鷯之列於以黼黻

皇猷

與忠靖諸賢後先媲美豈惟一邑之
盛實邦家之光矣此則余序湘志之
意與多士共期之而共勉之
嘉慶二十三年載歲次戊寅仲冬湘陰
縣儒學教諭袁承祚雪齋氏謹撰



舊序 明嘉靖

張 燈

予始至湘陰欲約民奢儉之中無以察俗之好尚也
欲經治寬猛之宜無以察民之性習也欲會財賦出
入之數無以知物土之利壤地之所產也與夫形勢
之險阻地里之遠邇溝澮之通塞宮室之興頽盡事
物之蹟以爲神化宜民之術非按籍而求則沿革不
悉見聞多格訟獄錢穀紛於一堂府史胥徒伺於一
人耳目手口疲於一時不可以冥冥而決又不可以
察察而推也於是考之邑志焉庶乎爲得其概矣第
舊志修於成化初年迄今又散逸無存吾將安所取

湘陰縣志

舊序

衷也耶昔夫子言夏殷之禮嘆杞宋之無徵非聖人
之聰明限於所不逮也蓋禮之形器名數不能無今
昔先後之異施典籍旣廢何以知其文而識其情也
哉聖人之嘆嘆禮之弗傳也今也得百里之地以有
人民之責使無志以先知而預待之欲求其施之適
於時以善其志於一邑弗可得已吾茲誠知所懼也
廼敝精竭慮考郡省一統諸舊志而日校讐之揭其
綱領疏其條目各類俱僭爲敘論以盡其愚毋使後
之視今如今之視昔焉則資後之人以可久可行之
政罔不在茲夫或語予曰子之心則勤矣吾聞古之

爲政者修己以先人取人以自益今子言之自子行之可也而必欲責夫人以必能焉吾未之知也今夫執途之人而告之某也善告之某也不善途之人其不笑我以爲迂且狂者哉自今繼子爲令者吾不知其何限也不啻途人焉爾逆知其行與否與况以善而責之人似自處以約而望人也爲過詳矣恕之道其然乎子曰局於所短者自畫者也用所長以濟之斯已矣私其所有者自挾者也公已善推之斯已矣予也方愧庸陋且拙而度後之令聰明才智加於予什百千萬者宜其必眾也假使以予言爲可行而行

湘陰縣志

舊序

二

之以此約俗之中焉以此制政之常焉以此經土之法焉燦然備具不勞按覈延咨之詳寧不可以契其義以裕於政乎是故吾能用所長以濟吾之短不失其爲修己者也吾能无私其善以與人不失其爲取人者也惠澤之布不必其已出而所及者爲無疆矣子其以爲何如客歛衽謝曰太阿鑊錮器非不利也持其柄以刃物存乎其人焉耳物且然於人寧無待於所資乎吾誠有感於子之言以望夫後之人善用之者予遂定湘陰志爲二冊以付梓人並以述予僭妄之心以解客之惑云

又序

梁拱辰

夫志史也王國之史若虞書志天文也禹貢志地理也侯國之史若國風國語志民俗也是皆治化攸係古者莫不重之郡邑有志亦侯國之史之類也善爲令者靡不知重之或知所重矣猶未免踵襲陳籍徒紀夫名物封土之舊蹟而於民生利害所關未必能籌畫曲當可以傳之而永也烏足以言志乎湘陰志舊雖有刻本迄今百有餘年漸以湮沒典則獻章悉無可稽嘉靖辛亥我瑞泉張公以進士令茲邑釐奸蒐慝式勤作率未三年政成教舉恩覃化洽凡宣力

湘陰縣志

舊序

三

懋工於茲邑者殆已恪供所事矣惟志爲邑曠典焉乃日以彰往以察來存乎志也從政而舍是焉昧所當務矣遂擇日咨辰輩相與纂定疏列門目公則量其可否裁其去取隨事著論凡四十餘條要皆搜摭墳典總括子史摘華闡秘黜繁秩亂煥然有倫鑿鑿可以措之事爲者且一念愛民憂時之心自溢言外而是志良可傳矣後之爲令者苟有以諒公之心率是而行之稽星野以觀分配之度所謂以授人時者於焉爲不愆其期也稽物土以阜財用之資所謂惟正之供者於焉歛之有定式也稽俗尙以觀民風之

趨所謂鄭衛之失中者於焉約之以禮也與夫孰有
益於民而爲利所當興孰有損於民而爲害所當革
俱可以次第施行矣是志豈不與古者王國侯國之
史並稱耶又豈但利一邑爲目前之計耶令茲邑者
慎所取裁焉可也志成壽諸梓湘陰士民咸相慶幸
予亦自幸得觀其盛也故不慚謏陋贅於末簡以彰
公之志爲可傳也

又序

李廷龍

歲嘉靖乙巳惟楚督學憲臣祗承天子命纂修郡志
通志余以弟子員承乏屬筆僅得舊志一部逸其半

湘陰縣志

舊序

四

矣蓋邑先大夫韓公璟志也越八十餘禩以故殘缺
而弗備世遠而莫傳孔子謂文獻不足杞宋無徵信
夫湘之缺典也已余乃叅郡志集眾思手錄成編義
從其簡事舉其槩遵志例也若夫因畧以致詳秉筆
而鏡梓實有待於作者比及辛亥瑞泉張公來宰吾
湘三年而政成化理遂重蒐補益義例準遷史哀集
成帙章程具矣後有作者夫何爲哉雖然志提封而
城池未建也志創設而倉廩未增也志學校而義田
未置典籍弗存也職官之代者幾矣貢舉而仕者又
幾矣矧吾湘租庸繁重田鬻於鄰邦而賦存焉并於

屯卒而民苦焉土著之民耕而食者僅四五客戶無
征徭之及而坐收田園山澤之利者殆居其半民之
逋負於公家遷徙於異域者視昔較甚也茲皆世道
之升降政治之汙隆係焉可以弗志乎哉少尹劉君
伯昇司訓虞君大治黃君閣僉議纂續借王生鑰邵
生洛孫生恩嚴生大化質於予廼相與訂訛補缺參
酌增輯故城池志而知經理之畧義田志而知作養
之意倉廩志而知儲蓄之備職官志而知宦跡之當
修貢舉志而知士習之當厚志逋負志流移則知計
畝以清稅而催科之方勞來之政並舉之矣繫於政

湘陰縣志

舊序

五

教焉者豈其微哉爲政者據志以殫慮必其錫福羣
生以滌弊而振民觀風而設教修明其政事輯和其
人民而志之所志者巨細畢舉矣不有以躋美先後
而增光簡書也哉否則雖志亦奚以爲是故可以興
可以觀予於是乎言

又序

唐懋淳

風詩所載卽十五國之志也楚不列於風而離騷實
爲楚風之始九疑三湘著山水之勝江離薜芷徵物
產之奇上斷帝嚳下道齊桓中述湯武窮古今之變
蓋楚風在是楚志在是假令倚相屈原生而同時分